



Број/Број: **03/4-50-14-11,16/13**
Сарајево/Sarajevo 19. 12. 2012.

Na osnovu člana 60. stav (2) Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", br. 33/06, 41/06, 81/06, 91/06 i 91/07) i člana 54. stav (2) Poslovnika Doma naroda Parlamentarne skupštine Bosne i Hercegovine ("Službeni glasnik BiH", br. 33/06, 41/06, 81/06 i 91/06), Zajednička komisija za evropske integracije Parlamentarne skupštine Bosne i Hercegovine, na 11. sjednici, održanoj 15.1.2013. godine, utvrdila je

PLAN RADA ZAJEDNIČKE KOMISIJE ZA EVROPSKE INTEGRACIJE ZA 2013. GODINU

UVOD

Djelokrug i ciljevi rada Zajedničke komisije za evropske integracije (u daljnjem tekstu: Komisija) određeni su članom 51. Poslovnika Doma naroda i članom 57. Poslovnika Predstavničkog doma Parlamentarne skupštine Bosne i Hercegovine.

(1) Zajednička komisija za evropske integracije razmatra pitanja koja se odnose na:

- raspravu o općim pitanjima koja su u vezi s evropskim integracijama;
- praćenje izvršavanja prava i obaveza BiH proizašlih iz međunarodnih ugovora koji se odnose na Vijeće Evrope;
- koordinaciju rada matičnih tijela u vezi s evropskim integracijama i dostavljanje mišljenja, preporuka i upozorenja;
- analiziranje posljedica integracijske strategije za BiH i pripremanje sveobuhvatnih izvještaja;
- nadgledanje i praćenje provođenja obaveza iz Sporazuma o stabilizaciji i pridruživanju, pretpristupne i pristupne strategije BiH;
- nadgledanje provođenja usklađivanja zakona BiH s pravnom tečevinom EU (*acquis communautaire*);
- saradnju s drugim institucijama BiH (posebno s Direkcijom za evropske integracije) i drugih zemalja u vezi s pitanjima integracija i obavljanje drugih poslova u vezi s evropskim pitanjima koja ne spadaju u djelokrug ostalih radnih tijela;
- održavanje javnog saslušanja u vezi s pitanjima evropskih integracija radi prikupljanja mišljenja i stavova predstavnika civilnog društva, nevladinih organizacija, intelektualaca, kao i vladinih i nevladinih eksperata u određenim oblastima.

(2) Zajednička komisija razmatra i druga pitanja koja su u vezi s evropskim integracijama.

Imajući u vidu utvrđeni djelokrug i ciljeve rada, Plan rada Komisije za 2013. godinu značajno određuju i sljedeći dokumenti:

- Izvještaj o napretku Bosne i Hercegovine u 2012. godini koji pokriva period od sredine septembra 2011. do kraja septembra 2012. godine;
- Privremeni sporazum o stabilizaciji i pridruživanju koji je stupio na snagu u julu 2008. godine;
- Sporazum o stabilizaciji i pridruživanju koji je potpisan 16. 7. 2008. i ratificiran u svim zemljama članicama EU, ali još uvijek nije stupio na snagu.

PLAN RADA

JANUAR - MART

- Priprema i usvajanje Orijentacionog plana rada Komisije za 2013. godinu;
- Razmatranje Izvještaja o radu Komisije za 2012. godinu;
- Razmatranje Izvještaja o radu Vijeća ministara BiH za 2012. godinu;
- Razmatranje Izvještaja o radu Direkcije za evropske integracije za 2012. godinu;
- Razmatranje Izvještaja o provođenju obaveza iz Privremenog sporazuma/ Sporazuma o stabilizaciji i pridruživanju za period od 1.10. do 31.12.2012.;
- Razmatranje Informacije o uspostavljanju i funkcioniranju mehanizama koordinacije u procesu integriranja Bosne i Hercegovine u EU;
- Organiziranje V. konferencije COSAP-a u Sarajevu (planirano krajem februara);
- Razmatranje Izvještaja o provođenju aktivnosti iz Akcionog plana za prevazilaženje posljedica pristupanja Republike Hrvatske Evropskoj uniji.

APRIL - JUNI

- Razmatranje Izvještaja o provođenju obaveza iz Privremenog sporazuma/ Sporazuma o stabilizaciji i pridruživanju za period od 1.1. do 31.3.2013.;
- Priprema i učešće na 15. interparlamentarnom sastanku EP - PSBiH, koji će biti održan u junu 2013. u Briselu;
- Razmatranje Izvještaja o provođenju aktivnosti iz Akcionog plana za prevazilaženje posljedica pristupanja Republike Hrvatske Evropskoj uniji;
- Razmatranje Izvještaja Vijeća ministara BiH o toku konsultacija za izradu Strateškog dokumenta za korištenje IPA II za period 2014.-2020.;
- Razmatranje Izvještaja Vijeća ministara BiH o pripremama i uslovima za podnošenje aplikacije za članstvo BiH u EU.

JULI - SEPTEMBAR

- Analiza aktivnosti vezanih za izradu Programa integriranja;
- Razmatranje Izvještaja o stanju provođenja obaveza iz Privremenog sporazuma/ Sporazuma o stabilizaciji i pridruživanju za period od 1.4. do 31.7.2013.;
- Razmatranje Izvještaja o provođenju aktivnosti iz Akcionog plana za prevazilaženje posljedica pristupanja Republike Hrvatske Evropskoj uniji;
- Razmatranje Izvještaja Vijeća ministara BiH o toku pripreme strateških sektorskih dokumenata za korištenje IPA II za period 2014.-2020.;
- Razmatranje Izvještaja Vijeća ministara BiH o stanju realizacije IPA sredstava za 2012. i 2013. godinu.

OKTOBAR - DECEMBAR

- Razmatranje Izvještaja o stanju provođenja obaveza iz Privremenog sporazuma/ Sporazuma o stabilizaciji i pridruživanju za period od 1.7. do 30.9.2013.;
- Razmatranje Izvještaja o napretku BiH u 2013. godini;
- Razmatranje Izvještaja Vijeća ministara BiH o procesu uspostavljanja decentraliziranog sistema upravljanja u realizaciji IPA projekata;
- Razmatranje organizacije i planiranje rada Komisije u 2014. godini s ciljem osiguravanja resursa i unapređenja rada;
- Razmatranje Izvještaja o provođenju aktivnosti iz Akcionog plana za prevazilaženje posljedica pristupanja Republike Hrvatske Evropskoj uniji;
- Priprema i izrada izvještaja o radu Komisije u 2013. godini.

OSTALE AKTIVNOSTI

- Organiziranje sastanka s članovima Komisije za evropske poslove Parlamenta Češke Republike;
- Organiziranje sastanka s članovima Odbora za evropske integracije Hrvatskog sabora;
- Održavanje tematske sjednice o ekonomskim i socijalnim perspektivama BiH;
- Razmatranje Izvještaja o realiziranju preporuka Evropske komisije o aktivnostima koje je potrebno preduzeti u institucijama pravosudnog sistema;
- Uspostavljanje saradnje i organiziranje sastanaka s Komisijom za pitanja Evropske unije Bundestaga;
- Uzvratna posjeta Odboru za evropske integracije Republike Srbije;
- Organiziranje tematske sjednice o borbi protiv korupcije u BiH;
- Organiziranje sastanka s članovima Odbora za međunarodne odnose i evropske integracije Skupštine Crne Gore;
- U saradnji s Misijom OSCE-a, organiziranje stručnih seminara za članove ove komisije PSBiH i nadležnih entitetskih komisija;
- Organiziranje tematske sjednice o reformi obrazovanja u BiH.

ZAVRŠNE NAPOMENE

Sadržaj rada i rokovi u ovom planu postavljeni su okvirno. Realno je očekivati korekcije zbog neophodnog usklađivanja s aktivnostima drugih relevantnih tijela i institucija. Moguće je očekivati i aktivnosti koje nisu predviđene a mogu biti uvrštene u Plan rada Komisije zbog značaja i hitnosti razmatranja.

Treba imati u vidu da je kontinuirana aktivnost Komisije praćenje, analiza i nadgledanje aktivnosti svih relevantnih institucija u procesu pridruživanja EU.

S ciljem blagovremenog ispunjavanja planiranih aktivnosti, Komisija će, uz ostalo:

- osigurati kontinuitet redovnog održavanja sjednica,
- osigurati kontinuitet redovnog održavanja sjednica Parlamentarnog foruma za evropske integracije BiH,
- redovno praćenje realizacije zahtjeva koji su domovi PSBiH u decembru 2011. godine uputili Vijeću ministara BiH da izradi Akcioni plan za pripremu Bosne i Hercegovine za posljedice pristupanja Republike Hrvatske Evropskoj uniji u roku od dva mjeseca, a da nakon toga svaka tri mjeseca izvještava Parlamentarnu skupštinu BiH o realizaciji obaveza iz Akcionog plana;
- osnivati potkomisije ili radne grupe kada to bude svrsishodno,
- pojedinačno angažirati članove Komisije,
- saradivati s drugim nadležnim tijelima i institucijama BiH i međunarodne zajednice,
- saradivati sa srodnim komisijama parlamenata u regionu.

Predsjedavajući
Zajedničke komisije
Halid Genjac

